

Ministarstvo za odgoj i obrazovanje Kantona Sarajevo

Predmet: Hitna inicijativa

Ovom inicijativom zahtijevam hitno povlačenje trenutnog načina provođenja konkursne procedure za upis djece u predškolske ustanove u školskoj 2026/2027. godini koji odstupa od Plana upisa djece kreiranog od strane Stručnog tima JU „Djeca Sarajeva“. Stručni tim, kao najkompetentnije tijelo za procjenu pedagoških i razvojnih potreba djece, svoj plan temelji na decenijskom iskustvu i naučno utemeljenim metodama rada.

Plan formiranja mješovitih grupa u vrtićima gdje za to ne postoji iskazana potreba direktno narušava pravo djeteta na poticajno okruženje prilagođeno njegovom uzrastu.

Obrazloženje:

Različiti uzrasti zahtijevaju različite didaktičke materijale, metode učenja i nivoe nadzora. Forsiranje mješovitih grupa bez stručnog uporišta usporava razvojni napredak djece.

Odluka resornog ministarstva da ne ispoštuje Plan upisa koji je izradio kompetentan tim JU „Djeca Sarajeva“ predstavlja opasan presedan u kojem administracija preuzima ulogu pedagogije.

Na osnovu gore navedenog, zahtijevam:

- hitno zaustavljanje trenutne konkursne procedure upisa djece u predškolske ustanove u Kantonu Sarajevo,
- dosljednu primjenu Plana upisa koji je uradio Stručni tim JU „Djeca Sarajeva“, a koji u fokusu ima najbolji interes djeteta,
- otvaranje dijaloga između Ministarstva i Stručnog tima kako bi se osiguralo da svako dijete u Sarajevu boravi u grupi koja odgovara njegovim razvojnim potrebama.

Vrtić nije samo "čuvanje djece", već ključna faza ranog razvoja. Ne smijemo dozvoliti da kvantitet (popunjavanje kapaciteta po svaku cijenu) nadvlada kvalitet (adekvatne uzrasne grupe). Pozivam Ministarstvo da uvaži stavove struke i spriječi dugoročne negativne posljedice po našu djecu.

U Sarajevu, 08.05.2026 godine

Marijela Hašimbegović, dia
Zastupnica